

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ССЖ ИИБ ҲАЙЪАТИ НАШРИ

● 10 (2274)

● 1991 ЙИЛ 2 ФЕВРАЛЬ

● ШАНБА

● БАҲОСИ 10 ТИЙИН

ЧИЛ-ЧИЛ БЎЛГАН ОРЗУЛАР

Тоир дўписини бошидан олар экан:

— Хўп замонлар бўлдида, энди косамиз оқаради, — деб қўйди. — Ширкатлар, жойларни ижарага беришлар, фермерлик фаолияти, янна тартибдаги ҳунармандлик...

Узоқ югуриб-елишлардан сўнг пойтахтдаги «Ўзспецавтоматика» саноат корхонаси директори Сергей Борисович Михайлов билан ижара ҳақида битим тузди. 1990 йилнинг 17 мартида имзоланган битимга мувофиқ корхона ҳудудида фаолият кўрсатадиган Калинин тумани умумий овқатланиш корхонасининг 7-ошхонаси филиали ойига 164 сўм ижара пули тўлайдиган бўлди.

— Энди жой бор, ишқилиб хўрандаларимиз ва миждозларимиз кўпайса бўлди, — хаёлидан ўтказди Тоир.

Корхонанинг ишчи-хизматчиларидан 20—30 нафари талон билан овқатлана бошлади, қолган миждозлар эса кўчада. Хўрандалар сони кўпаяр экан, бош ошпаз Т. Ҳакимов ич-ичидан қувонарди.

— Биргина овқат қилиб сотишдан унча фойда йўқ, ичимликлар билан савдо қилсам қандай бўларкин.

Хаёлидан ўтказган фикрни амалга оширишга киришди. Тошкент туманидаги «Ўзбекистон ССЖ 50 йиллиги» жамоа ҳўжалиги раҳбарлари билан келишиб, «Салют» виносининг 840 донасини олиб келиб туширди.

Аввал шу йилнинг 15 январидан 240 шиша, кейин эса 17 январидан 600 шиша 4 сўм 50 тийинлик винони 5 сўм 28 тийиндан сотилсин, деб умумий овқатланиш корхонасидан кимдир қўл қўйиб берган.

— Тийин-тийини билан сотаманми, — деди-ю, Тоир винонинг баҳосини 6 сўмга чиқарди-қўйди. Ҳамма нарса яхши кетаётган эди. Чилонзор тумани ички ишлар бўлими тиббий хўшёрхонаси профилактика кабинети бошлиғи Валентина Егорова бошчилигидаги рейд аъзолари бу ердан ўтиб қолди-ю, ишнинг пачаваси чиқди.

...Ўзномамиз муҳарририясидаги телефон жиринглади. Трубкада савдодаги қинғир иш ва ҳеч қандай ҳўжжати бўлмаган 16 ёшга энди қадам қўяётган ўспириннинг «Салют» виноси сотаётганлиги баён этилди.

Фурсатни ўтказмай ҳамкасбим Лев Оффенгенден икковимиз Чилонзор тумани ички ишлар бўлими тиббий хўшёрхонаси бошлиғи милиция катта лейтенанти Мама-раҳим Усмонов ва Валентина Егорова билан «сирли объект»га қараб йўл олдик.

Дарҳақиқат, кўчада 1975 йилда турилган Собир Нурмухамедов «Салют» виноси-

ни столга териб қўйиб савдо қилаётганининг гувоҳи бўлдик.

Ўтган йили пойтахтдаги 116-мактабнинг 8-синфини тугатган, мўйлаби эндигина сабза ураётган йигитча ошпаз Рихсибой Нурмухамедовнинг ўғли экан. На отада, на болада медицина ҳўжжати бор. Собир буйруқ билан ошхонада меҳнат қилмасдан отасига қарашиб турган экан. Унинг устига ошпазлар раҳбари Тоир Ҳакимов-

да эса ошхонада спиртли ичимликлар сотишга рухсат берилган туман ижроия қўмитасининг қогози ҳам йўқ.

Саноат корхонаси, мактаб, боғча ва бошқа жамоат ташкилотлари олдида спиртли ичимликлар сотишни қатъиян ман этадиган ҳукумат қароридан, чамамда, Калинин тумани умумий овқатланиш корхонаси раҳбарлари беҳабар бўлса керак. Акс ҳолда 7-ошхона филиалида

бундай тартибсизлик бўлмас эди.


Ҳабибулла ШОДИЕВ.

СУРАТЛАРДА: 1. Собир Нурмухамедов савдо пайтида.

2. Ошхонадаги «Салют» винолари.

Муаллиф олган суратлар.

МУҲАРРИР ИЯТ ДА Н: юқоридаги воқеа хусусида тегишли ташкилотлар бизга жавоб йўллайдилар, деган умиддамиз.



БҮЛДИ АЖАБ ҲАНГОМАЛАР

Ўзни урдилар ҳар ён

ССЖИ Президенти Фармони ва ССЖИ Вазирлар Маҳкамаси қарори ижросини таъминлаш мақсадида банклардаги бойликларни қўриқлашни кучайтириш, 50 ва 100 сўмлик пулларни алмаштириш пайтида жамоат тартибини сақлаш ва турлитуман ҳўқуқбузарликларга йўл қўймаслик учун қўшимча чоралар кўрилди.

Шу билан бирга пулни алмаштиришни таъминловчи бўғинларда турли сунистеъмолликларни аниқлаш бўйича фаол иш олиб борилди. Унга ички ишлар идораларидан 3,5 минг нафар ходим жалб этилди. 1991 йил 22 январидан 27 январигача бўлган вақт ичида 1732 та корхона, муассаса ва ташкилот текшириб чиқилди. 934 та ҳар хил қондабузарликлар аниқланиб, улар юзасидан буюм-рўйхат (инвентаризация) ўтказилмоқда, товар-моддий бойликларни тафтишлаш белгиланди, савдо тармоқларининг касса аппаратларидаги назорат ленталари олинди. Бу ва шунга ўхшаш бошқа тадбирлардан кўзда тутилган мақсад айбдор шахсларни қош қилиш, уларнинг ҳўқуқга хилоф ҳаракатларини ҳўжжатлаштириш асосида амалдаги қонунчиликка мувофиқ жавобгарликка тортиш масаласини ҳал қилишдан иборат.

Кўрилган чоралар натижасида 26, 27 январь кунлари мансабдор ҳамда моддий жавобгар шахслар томонидан 50 ва 100 сўмлик шахсий пулларни тушум

сифатида топширишга уринишнинг 27 таси барбод этилди.

Савдо корхоналари томонидан 23 январь кунини эрталаб топшириш чоғида қолдиқ пул миқдори ҳар кунги ўртача савдо пулидан анча ортиб кетганлиги ва асосан 50 ва 100 сўмлик қогоз пуллар эканлиги маълум бўлди.

Тошкент вилояти омонат банкининг Солдатское бўғинмаси текширилганда, тўловга олиш таъқиқланганига қарамасдан 1961 йил нухасидаги 50 ва 100 сўмлик пуллarga 3% давлат заёми 23 ва 24 январь кунлари текис сотилаверган. Пули кўпларнинг ҳўжжати банкнинг омборолди биносида чиқарилган. Заём савдосига енг шимариб, киришганларнинг ноқонуний иши юзасидан тузилган ҳўжжат прокуратурага жўнатилди.

Тошкентдаги Бош кўпмолли дўкон (БКД) ходимлари пул тўполони бошланмасдан бурун тилидан бол томиб турса ҳам, кунига ўртача 900 минг сўм атрофида савдо пули топширардилар. 23 январь кунини ҳамма серпул харидорлар ўзини қаёққа уришни билмаётганда, дўкондаги азаматлар банкга 1 миллион 510 минг сўм келтиришди. Қарангки, майда пул анқонинг уруғига айланибди. Шу кунги савдо пулининг 1 миллион 440 минг 50 ва 100 сўмликдан иборат бўлган. Дўконда тафтиш ўтказишга киришилди.

М. МУСАЕВ,

СОВЕТ СОЦИАЛИСТИК РЕСПУБЛИКАЛАРИ ИТТИФОҚИ ПРЕЗИДЕНТИНИНГ ФАРМОНИ

СССР ПРЕЗИДЕНТИ ҲУЗУРИДА ҲУҚУҚНИ МУҲОФАЗА ҚИЛИШ ИДОРАЛАРИ ФАОЛИЯТИНИ МУВОФИҚЛАШТИРИШ КОМИТЕТИНИ ТУЗИШ ТўҒРИСИДА

Иқтисодий бузғунчилик, ўғирликлар, порахўрликка, фуқароларнинг ҳаётига, саломатлигига, ор-номусига, кадр-қимматига, мол-мулкига тажовуз қилишларга ва бошқа жиноятларга қарши курашни қатъиян кучайтириш зарурлиги тўғрисидаги СССР халқ депутатлари тўртинчи Съезди қарорларига амал қилиб, СССР Олий Кенгашининг «Мамлакатдаги аҳвол тўғрисида»ги 1990 йил 23 ноябрь қарорининг 4-бандига мувофиқ қарор қиламан:

1. СССР Президенти ҳузурида Ҳуқуқни муҳофаза қилиш идоралари фаолиятини мувофиқлаштириш комитети тузилсин.

2. Ўртоқ Юрий Владимирович Голик СССР Президенти ҳузуридаги ҳуқуқни муҳофаза қилиш идоралари фаолиятини мувофиқлаштириш комитетининг раиси этиб тайинлансин.

3. Ўртоқ Ю. В. Голикка комитетнинг таркиби, унинг вазифалари, ҳўқуқлари, мажбуриятлари ва фаолият тартиби тўғрисидаги таклифларни тақдим этиш вазифаси топширилсин.

Совет Социалистик Республикалари Иттифоқи Президенти М. ГОРБАЧЕВ.

Москва, Кремль.
1991 йил, 29 январь.

ОҚИМДАГИ КЎПИК

эди. Улардан 15 киши қасдан одам ўлдирилган ва оғир тан жароҳати етказилган, 62 киши давлат ва жамоат мулкни ўғирлашда, 3 киши номуста тажовуз қилишда ва яна бошқа ўнлаб жиноятларни содир этишда айбланиб, жиноий жавобгарликка тортилдилар.

Шуниси афсусланарлики, бу тоифа кишилар томонидан содир қилинаётган жиноятлар миқдори камайиш ўрнига йилдан-йилга ортиб бормоқда.

Яқинда вилоятимизда «Тўр» деб ном олган тадбир ўтказилди. Унинг асосий мақсади ижтимоий фойдали меҳнат би-

лан шуғулланмайдиганларни топиш, шахсини аниқлаш ва иш билан таъминлаш бўлди. Тадбир жараёнида кўпқаватли уйларнинг чордоқ, ертўралари текшириб чиқилди ва ушланган фоҳишалар, жиноятчилар, дайдилар, гадолар ички ишлар бошқармасига келтирилди. Уларнинг кейинги тақдири қандай кечади? Бу ҳаммани ўйлантириши ва шу асосда лозим бўлган чоралар кўриш керак. Шундангина юз бериш мумкин бўлган кўнгилсиз ҳодисаларнинг олди олинган бўлади.

М. ҚОДИРОВ,
Андижон вилоят ИИБ бўлими бошлиғи.

Шаҳримиз кўчалари одамлар билан доимо гавжум. Кимдир қадрдон ишхонасига ошиқади, кимдир уйига шошिलाди. Аммо ана шу тумонат оқим орасида бошқа бир тоифадаги одамлар ҳам мавжуд. Соч-соқолига анчадан бери устара тегмаган, жудур кийимли бу кимсаларга қараб, одамда раҳм-шафқат ҳисси уйғонади, ачиниш билан боқсан. Бироқ, уларнинг ичида қаллоблари ҳам, ўғирлари ҳам бор. Бугун кўзингга ҳоқосор бўлиб кўринган кимса, эртага сени тунаб кетиши мумкин.

Ўтган йили вилоятимизда жиноят содир қилишда айбланганлар орасида на иш жойи, на ўқиш жойининг таини бўлмаган 327 киши бор

АКАСИНING КЎЗИНИ ЧИҚАРДИ

Йўловчи поезд Тошкент шаҳрига яқинлашганда, икки йиллик айрилиқдан энтиккан аскар йигит дераза ёнига келди. Ойна орқали лип-лип ўтиб бораётган таниш манзараларга тикиларкан, сигарета тутатиш учун бошини эгди. Тўсатдан қарсиллаган овоз эшитилиб, кўз олдига саноксиз юлдузлар чақнагандек бўлди.

Қичқиривча югуриб келган йўловчилар кўзини титроқ қўллари билан беркиртиб олган аскар йигит юзи қоқга бўялганини кўришди. Темир йўл ёқасида ўйнаб юрган болалардан бири отган тош унинг кўзига теккан экан. Чндаб бўлмас оғриқ азобидан инграётган аскарни биринчи бекатда тушириб, «Тез ёрдам» машинасида касалхонага жўнатилди.

Ўғлини кутиб олиш учун вокзалга чиққан ота-онаси вагондан тушаётганларга кўз тикиб чарчашди. Вагон кузатувчиси аскар йигитнинг ота-онасини пайқаб, уларга юз берган воқеа ҳақида айтиб берди. Касалхонага ўқдек учиб етиб келганларида, тўрт мучали соғ кетган Ҳакимжонни кўзи боғлиқ ҳолда учратдилар. Эмчи (врач) оғир лат егани учун сунъий кўз қўйишганини айтганда, ота-онанинг фиғони фалакка кўтарилди.

Уйда ҳамма оиланинг тўнғичи — аскар акаларини интиқлик билан кутишарди. Айниқса, ҳозиргина ўйнаб қайтган кенжа ўғил Раҳимжон тоқатсизланарди. Ахир, акаси унга фуражкани ваъда қилган. Бир маҳал оналари кўзда жиққа ёши билан кириб келди.

— Акам қани? Вой, ни-ма гап ўзи? — хавотирланиб сўради катта қизи Дилдора.
— Қайси қўлинг сингур вагонга тош отган экан, акангнинг кўзига тегибди.

— Ие, биз отган тош...
Темир йўл яқинида ўртоғи билан кунни кеч қилган Раҳимжоннинг надомати ҳаммани унга қаратди. Ҳеч ким чурқ этмади. Раҳимжоннинг эса мўлтираган кўзларидан тинмай ёш оқарди...
М. ҲАКИМОВ.

Мухаррир
З. ОТАЕВ

Ҳаёт, умуман, милиция ҳаёти жуда қизиқ: бир воқеадан иккинчи воқеага, бир тасодифдан яна бошқасига дуч келаверасиз.

Мажлислар залидаги маърузани тугатиб, ўрнимга ўтирдим ҳамки, ташқаридан қоғоз келди: «Ўзбекистон» колхозидеги хонадонга ўт кетди. Ўт ўчириш машиналари жўнатилди». Маъруза муҳокамаси бошланганда, яна хат киритилди. Унинг мазмуни бундай эди: «Енғин чиққан уй ичида чолкамбирнинг мурдаси бор экан». Ҳар икки мактубдан пинҳона огоҳлантирилган мажлис раиси руҳсати билан йўлга отландим. Ердамчи прокурор (прокурор хизмат сафарида, терговчиси меҳнат таштилида эди) Маликаҳон Мамадалиева билан воқеа содир бўлган жойга етиб бордик. Уй ёнмаган, лекин айвонга қаддам қўйиш билан ичкаридан куйган жуннинг ҳиди келарди. Деразадан боқдик: чол бир томонда, кампир бир томонда. Жасад атрофларида болтача, ҳар хил пичоқлар бор эди. Вилоят ички ишлар бошқармасидан, прокуратурадан, судмедэкспертизадан оператив гуруҳ етиб келди. Атроф қоронғи, тун алламаҳалга бориб қолган эди. Бундай пайларда содир бўлган жиноятни текшириш яхши натижа бермаслиги эътиборга олинди, алоҳида тадбирлар белгиланган қарор қилдик. Жиноятни очиб вазибалари аниқланди. Умумий масъуллик вилоят ички ишлар бошқармасининг бошлиқ ўринбосари милиция полковниги Фафуржон Исроилов билан менга юкланди.

...Маҳалланинг тинчи бузилди. Агар тушдан кейин Шарифжон Абдураззоқовнинг қи-

зи бувиси ва бувасидан хабар олгани келмаганида, чол-камбирнинг жасади анча кун ҳидланиб ётардим, ёхуд наमतдан илашган ўт билан ёнган уй устунларига қўшилиб кул бўлардим...

Холислардан Шариф Абдураззоқов ва Асқар Мирзақодировлар гувоҳлигида тўла текшириб бўлингач, жасадлар

сани нима кераги бор. Айвонлари битта бўлсин.

Ким сукут қилди, ким айб бўлади деди. Яна кимдир ҳар кимнинг гўри бошқа деб айтди. Ишқилиб, икки жасад алоҳида-алоҳида қабрга қўйилди.

Ғалати жумбоқ эди. Хўш, мусиқадай бозор қарияларнинг ўлими кимга, нима учун керак бўлиб қолди?



кўмишга руҳсат этилди. Қотил қилмишидан бевақт кўз юмган Темирбой Алиматов бир неча йил колхозга раислик қилган, нафақа гаштини сураётган, катта-кичикка бош-қош нуруний отахон эди. У кишидан маслаҳат олмай иш кўрадиган маҳалла аҳли йўқ эди. Рафиқаси Ойиниса Алиматова эса умри давомида боғчада ишлаган, норасидавар пешонасини силаб яйратган аялардан эди. Ҳа, фожиа оғир, ҳар қандай дилни ваёрон қиларли даражада эди.

Қабр узра кўз ёш тўкмаганлар қолмади ҳисоб. Қуёвларининг фарёди еру кўкни титратарди. Икки жасад учун қабр қавланаётганда, Шариф Абдураззоқов йиғламсираган ҳолда гўрков Мамажон Имомовга илтижо қилди:

— Кўтариладиган икки дум-

Уша кунни, қабристонга олиб чиқиладиган кунни, отахоннинг жиян-қизи Мелихон «Норин-Наманган» автобусида рўй берган шум хабарни бурнини торта-торта айтиб, бозор-ўчарга бораётганини, уларнинг чиқарилишига албатта етиб келишини сўзларди. Ўзи содир бўлган воқеадан кейин қизини буви, бувасиникига хабар олгани юборгани, Шарифнинг қабристонда боғи айтган гапи, хотинининг маросимни ташлаб, Наманганга йўл олиши бизни ҳушёр торттирди албатта.

Шарифни қўлга олдик. У эса сўз бермас, ҳибсга олиганидан таажубланар, гоҳо ғазабланарди.

— Хўш, сиз айбдор бўлма-сангиз, нега бўйин томирларингиз бўртиб, ўзингиз бўзариб кетаяпсиз? Кўзларингизга нега тик қаролмаяпсиз?

Бу тергов жараёнида хотини Мелихон ҳам бирга эди. Дастлаб тилга у кирди:

— Энди иш тамом. Кечаси менга гапирганларингизни айтаверинг. Ойни этак билан ёпиб бўлмайди.

Шариф хотинига ёғинди, дўпписини мижиғладию қаттиқ уф торди. Андак ўз холига қўйдик.

— Айтсам айтмай, деди ниҳоят, — Темирбой бувам жой сеники, ўғлим, деб юрардилар. Нима бўлдию касалликка чалиниб, бир ойма, уч ой ётиб қолдим. Ота умидини узган бўлса керак. Маҳалла йиғинида уйни ер-пери билан бо-жам Турғунбойга инъом қил-ворибди. Жуда қаттиқ ғашим келди. Аввал божамни ўлди-ришга қарор қилдим, бироқ ҳоли фурсат тополмадим. Яна ўйга толдим. Хўш, нега бо-жамни ўлдираман? Ҳамма айб бувамдаку? Ярим кечада уйга кириб, аввал отани, кейин кампирни пичоқ ва катта болта билан ўлдирдим. Сўнг майда болта ва пичоқларни ёнида қолдириб, наमतга ёқилғи се-либ, ўт қўйдим. Мен уй-пуй билан куйиб кетар деган эдим. Тонготар уйга келдим. Юра-гим ҳовлиқиб кетаверди. Шар-памдан уйғонган хотинимга тафсилотини айтиб бердим.

— Сўйган пичоқ, чопган болтангиз қаерда?

— Болтани катта йўлнинг кўприги остига яширганман. Пичоқ эса уйдаги толнинг та-гида ерга санчиб қўйилган.

Суд ҳукми орқали Шариф Абдураззоқов олий жазога ҳукм қилинди.


Жалолихон ҚОДИРОВ,
истеъфодаги милиция под-полковниги.
Наманган вилояти.

ҲАШАР ЙЎЛИ БИЛАН

Инсон учун энг катта бойлик — саломатлик. Андижон вилояти Советобод шаҳар ички ишлар бўлимида бу ишга эътибор катта. Бўлимда барча ходимлар жисмоний тарбия билан шуғулланишади. Бунинг учун махсус вақт ажратилган, ҳар қандай об-ҳаво шароитида ҳам машғулотлар узилмайди. Спортсевар бўлимининг аҳил жамоаси яқинда ҳашар йўли билан спорт иншоотини қуриб, фойдаланишга топширишди.
М. МАМАЖОНОВ.



СУРАТЛАРДА: 1. Бағдод туманида бу сафарги улоқ янада ўзгача бўлди. 2. Туман ИИБ ходимлари мақсади ҳар доимгидек осойишталикни таъминлаш. Фуломжон УБАЙДУЛЛАЕВ олган суратлар.




Турар-жой жамғармасига эга бўлган туман иж-рония кўмиталари ва корхона раҳбарлари, турар-жой ширкатлари ва уй кўмиталари раислари ҳамда фу-қаролар

ДИҚҚАТИГА!

ЎзССЖ ИИБ ҳузуридаги соқчилик бошқармаси. «Альфа» ишлаб чиқариш ширкати нақд пулга ва пул ўтказиш йўли билан уй йўлагидеги эшикларга қулфли гаплашиш қурилма (домофон) ва шахсий электрон кодли қулфларни ўрнатишни тавсия қи-лади.

Қуйидаги манзилгоҳга мурожаат қилинсин. Тошкент шаҳри, Пролетар кўчаси, 37-уй. 56-62-16 рақамли телефон орқали маълумот олиш мумкин.



«ПОСТДА» —
(«НА ПОСТУ»)
Орган коллегия МВД
УзССР

Индекс: 64615.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Кўмитаси нашриётининг Меҳнат Қизил Байроқ орденли босмаханаси. 700083, Тошкент, Ленинград кўчаси, 32.

Рўзнома офсет усулида, А-3 қолмида босилган.

Зак. 4748.

Телефонлар: Мухаррир — 32-38-86, муҳар-рир ўринбосарлари — 39-77-23, маълумот-лар учун — 39-70-40.

1 2 3 4 5 6 7 8 9 10 11 12.